

蘓詩補註

卷廿七至卷廿九

蘓詩補註

卷之五

蘇軾詩集

東坡先生編年詩卷二十七

後學查慎行補註

姪男開校刊

古今體詩三十八首

哲宗元祐元年丙寅春自右史除中書舍人十月擢翰林學士知制誥一年中作

送陳睦知潭州

別本作陳睦者訛

華清縹緲浮高棟上有纈林藏石甕一杯此地初識君
千巖夜上同飛鞚君時年少面如玉一飲百觚嫌未痛
白鹿泉頭山月出寒光潑眼如流汞朝元閣上酒醒時
卧聽風鸞別本作鸞者訛鳴鐵鳳舊遊空在人何處二十三年真
一夢我得生還雪髯滿君亦老嫌金帶重有如社燕與
秋鴻相逢未穩還相送洞庭青草渺無際天柱紫蓋森

欲動湖南萬古一長嗟付與騷人發嘲弄

陳睦

施氏原注陳睦字和叔嘉祐六年第二名進士神宗擢為御史元豐元年假起居舍人介安燾以聘高麗除鴻臚少卿會廣州缺人以寶文閣

待制使出守給事中韓忠彥言其偶緣泛海之勞僥倖至此不足以玷侍從詔從之至是以直龍圖閣守長沙初和叔為兩浙提刑杭州有裴氏婢夏沉香者因與其女赴井女既死沉香科杖畢已決矣和叔舉駁差秀州倅張若濟重勘夏沉香遂坐死杭州獄掾杜子方陳睦戚秉道亦得罪衝替東坡時倅杭賦詩送之云殺人無驗中不快此恨終身恐難了蓋指和叔若濟云爾茲送和叔所述者止少時登臨相從而已並無一語以及其人則東坡不與之意可見蓋與贈唐林夫垌詩皆一律也此段原文新

潭州

歐陽忞輿地廣記荆湖南路潭州古三苗地秦置長沙郡漢為

刻本刪改殆盡今從舊本補錄備考

國晉永嘉元年置湘州

華清

程大昌雍錄華清宮開元十年建初名溫泉宮後改名在驪山最為奢盛百司皆有邸第明皇

常以十月往幸歲竟乃歸宋敏求長安志華清

宮四面皆有繚牆內有朝元閣長生殿鞦鼓樓

石甕

鄭岷津陽門詩注石魚巖下有天絲石其形如

甕以貯飛泉故上以石甕為寺名寺僧于上層飛樓中懸

轆轤斜引修笮長三百餘尺以汲甕泉出紅樓喬樹之杪

白鹿泉

津陽門詩飲鹿

泉邊春露晞程大昌雍錄白鹿原在南山之麓自藍田東北入萬年縣漣水源低故行乎此原西北隅之外灞水源高故行乎原上元和郡縣志白鹿原亦謂

之瀾上郭允蹈蜀鑑周平王東遷之後
有白鹿遊此因名在京兆府藍田縣

朝元閣

長安志朝元閣在華清宮東南老君殿之北天寶七

載老君降于朝元

金帶

歸田錄國朝之制自學士以上賜金帶謂之重金

閣改名降聖閣

太宗創為金鈐鈐制方團毬路以賜兩府御仙花以賜學士以上今俗以毬路為笏頭御仙花為荔枝皆失其本號岳珂魏郊錄國朝服帶之制乘輿東宮以玉大臣以金金帶有六種毬路御仙花荔枝師蠻海提寶藏此外又有金塗帶九種金束帶八種金塗束帶四種春明退朝錄重金謂金帶上垂金魚者

附子由次韻

海上石橋餘折棟大舶記君過鐵甕東行萬里若
乘空老蜃長鯨應入鞆波搖風卷卧不起免教髀
肉鞍磨痛歸來過我話艱苦驚汗津津尙流永海
涯風物畫成圖錯落天吳兼紫鳳至今想像隔人
事往往風濤吹晝夢長沙欲往厭飛楫幸有千兵

作迎送文章清逸世少比科第崢嶸聲自重遠行

屢屈衆所歎出祖誰攀車欲動明朝鼓角背王城

莫聽單于吹曉弄

自注云子美奉使三韓轍馬在南都見其往返故此詩言之

用前韻答西掖諸公見和

雙猊蟠礎龍纏棟金井輓轡鳴曉鐸小殿垂簾白

一作碧玉

鈎大宛立仗朱

一作青

絲鞚風馭賓天雲雨隔孤臣忍淚肝

腸痛美君意氣風生座落筆縱橫盤走汞上尊日日瀉

黃封賜茗時時開小鳳閉門憐我老太元給札看君賦

雲夢金奏不知江海眩木瓜屢費瑤瓊

一作瑤瑤

重豈惟蹇步

困追攀已覺侍史疲奔送春還宮柳腰支活水

一作雨

入御

溝鱗甲動借君妙語發春一作春容顧我風葉不成弄

西掖

楊奐汴故宮記登聞鼓院之西曰右掖門翰林知制誥者多居西掖

金井

黃庭堅詩睿思殿東金井欄在淵注云睿思神宗便殿在垂拱

暨之

小殿

即睿思殿注見上

小鳳

渾水燕談錄蔡君謨造小團以充貢一斤二十餅仁宗尤所珍惜雖宰相未嘗輒賜惟郊禮致

齋之夕兩府各四人共賜一餅宮人剪龍鳳花貼其上八人各蓄之不敢自試有佳客出爲傳玩又北苑雜述云北苑細色第五綱有興國巖小龍小鳳之名

次韻王覲正言喜雪

聖人與天通有詔寬獄市好語夜喧街濕雲朝覆砌紛

然退朝後色映宮槐媚欲誇剪刻工故上一作入朱藍袂我

方執筆侍一作待未敢書上瑞君猶伏閣爭高論亦少慰霏

霏止還作盎盎風與氣神龍久潛伏一怒勢必倍行當

見三白拜舞謹萬歲歸來飲君家酣咏追旣醉

王覲

施氏原注王覲字明叟泰州如皋人第進士熙寧初為編修三司令式刪定官不樂久居職求潤州推官朝廷遣使賑貸明叟為精言民間利

病歸薦之除司農寺主簿轉為丞司農為時要官多由此進明叟拜命一日即求外韓子華丞相高其節留檢詳三司會計元祐初呂正獻范忠宣薦其可用擢右正言進司諫極言當位者奸邪害正使一二元老不得行其志章數十上公論躋之東坡時為右史故云我方執筆侍云云明叟在言路每欲深破朋黨之說東坡居翰苑朱公掞光庭訐其試館職策問呂元鈞陶辨其不然遂起洛蜀二黨之目明叟言賦之辭不過失輕重之體若悉考同異深究嫌疑則兩岐遂分黨論滋熾夫學士命辭失體其事尙小使士大夫有朋黨之名大患也帝深然之後為侍御史又言一年之內章疏多緣程頤蘇軾之故前日頤去而言者攻軾故乞補外降詔不允尋少二職經筵適當執政有剛字欲以下少軾則且勿遽用之使不及于悔吝進諫議大夫自是出藩入從紹聖間一再被貶徽宗擢御史中丞出典二州又安置清江紹興初

正言

宋史職官志謂下中書一省其屬各有正

言一人門下省為左正言中書省為右正言皆從七品乃左右

朱藍

齊書文學傳論

拾遺之任曾子固隆平集以拾遺為正言乃太平興國六年改

朱藍共妍

執筆侍

王應麟困學紀聞宋朝舊制太史局隸秘書凡天文失度三館皆知之有災異館吏以片紙探報得因事獻言

不相祖述

程大昌雍錄今世侍從漢之九卿也張安世持橐簪筆事孝武數十年者即今侍從之事也今時侍從又名兩制內制為翰林學士外制為中書舍人在元祐

未置權侍郎以前中書舍人以上方爲侍從故率內
外制而名其官所以別漢之侍從而未爲九卿者也

和蔣發運

夜語翻千偈書來又一言此身真佛祖何處不羲軒船
穩江吹坐樓空月入尊遙知思我處醉墨在頽垣

發運

宋史職官志發運使掌經度山澤財貨之源漕淮浙江湖六路儲廩以
輸中都而兼制茶鹽泉寶之政燕翼貽謀錄初下江南置水陸發運二

使後以陸路不便悉從水路雍熙四年詔合水陸發運爲一路

蔣之奇

氏施

孫彥同職官分紀淮南江浙荆湖有都大發運使副使等官

原注蔣之奇字穎叔宜興人鎖廳擢進士第舉賢良方正試六論中選及對策

以抄一

書問自報罷英宗覽而善之擢監察御史神宗立進副端歷諸道轉運

遂爲江淮發運祖宗舊制歲終奏計京師其實多至次年正月到闕穎叔十月

已詣京師奏計進待制守長沙爲御史諫官以廉白稱由寶文閣待制河北都

漕守瀛入爲戶部侍郎以後事見送穎叔帥熙河

詩註此段全文新刻本悉刪去今補錄以存其舊

送表弟程六知楚州

炯炯明珠照雙璧當年三老蘇程石里人下道避鳩杖
刺史迎門倒舄舄我時與子皆兒童狂走從人覓梨栗
健如黃犢不可恃隙過白駒那暇惜醴泉寺古垂橘柚
石頭山高暗松櫟諸孫相逢萬里外一笑未解千憂集
子方得郡古山陽老手生風謝刀筆我正含毫紫微閣
病眼昏花困書檄莫教印綬繫餘年去掃墳墓當有日
功成頭白早歸來共藉梨花作寒食

程六

施氏原注東坡母成國太夫人程氏眉山著姓其侄之才字正輔第二之元字德孺第六卽楚州之邵字懿叔第七正輔初娶少一坡女少一

早亡老蘇公以爲少一事見後次韻

正輔江行見桃花詩註此詩首云炯炯明珠照雙璧次韻送德孺漕江西又云君家兄弟真聯璧獨指德孺羹叔不復及

正輔猶以舊怨故也德孺以父文應蔭得官自江右移節廣南爲郎金部元符三年由河中守爲兩浙轉運使東坡歸自海外會于金山後爲衛尉少卿坐曾

丞相布取金山下鼻塘地德孺嘗與調護蔡京與布不協德孺亦得罪時崇寧二年秋也德孺孫敦厚字子山有文名紹興間為右史掌制誥此段新刻刪去

今補

楚州

真地廣記隋開皇初廢山陽郡十二年置楚州

醴泉

眉州山名注見第六卷

石頭山

考志

眉州有石佛山無石頭山先生寄子由詩云買田向何許石佛山前路頭字疑當作佛字

附子由作

與君外兄弟初如一池魚中年雲雨散各異澗谷
居客舍復相從語極長欻歔青衫奉朝謁白髮驚
晨梳百年不堪把一尊歡有餘清言我未厭昨夜
聞除書淮南早已久疲民食田蔬請發上供米仍
疏古邗渠要須賢使君均此積歲儲徑乘兩槩去
不待五馬車別離難重陳勞來不可徐政成得召

節歲晚當歸與

碣石菴戲贈湛菴主

公自注相國寺僧也

保康橋上夜觀燈碣

疑當作喝

石巖前夏飲冰莫把山林笑朝

市老夫手裏有烏藤

相國寺

汴京遺跡志相國寺在開封府城東北齊建國寺後廢唐為鄭審宅景雲初僧惠雲觀審後園池中有梵宮影遂募緣易宅賜額

相國寺東京夢華錄大內前州橋之東臨汴河大街曰相國寺東軒筆錄云相國寺舊傳公子無忌之宅今其地屬信陵坊寺前舊有公子亭

保康

橋

東京夢華錄汴京穿城河道有西南曰蔡河自西南戴樓門入城繞繞自東南陳州門山河上有橋十一第六曰西保康門橋

慎按此詩施氏原本不載新刻載續補下卷

今改編

元祐元年二月八日朝退獨在起居院讀漢書儒

林傳感申公故事作小詩一絕

寂寞申公謝客時自言已見穆生機

一作幾

綰臧下吏明堂

廢又作龍鍾病免歸

申公

漢書申公魯人楚王令申公傳太子戊及戊立申公退居家謝賓客王

臧趙綰嘗從受詩綰臧請立明堂武帝安車蒲輪迎申公時已八十餘

起居院

宋史職官志舊置起居院命

竇太后不悅儒術得綰臧之過以讓上

起居院

三館校理以上修起居注

慎按此首施注原本不載以題中年月考之
確是元祐初作今編錄于此

和人假山

上黨攙天碧玉環絕河千里抱商顏試觀烟雨三峯外
都在靈仙一掌間造化何如童子戲寫真聊發使君閒

何當挈取西征去畫作圍牀六曲山

上黨

太平寰宇記五龍山本名上黨山其山松柏參霄

商顏

水經注楚水源山上洛縣西南楚山皇甫謐云商山亦稱楚山古老云州

有商君商國商寨

商密商顏曰五商

送王伯敷守號

華山東麓秦遺民當時依山來避秦至今風俗含古意
柔柔綠水招行人行人掉臂不回首爭入峭函土囊口
惟有使君千里來欲飲三堂無事酒三堂本來一事無
日長睡起聞投壺牀頭硯石開雲月澗底松根斲雪腴
山棚盜散人安寢勸買耕牛發陳廩歸來只作水衡卿
我欲攜壺就君飲

王伯敷

施氏原注殘脫不可辨。慎按伯敷長子娶東坡女樂城集有代祭王號州文云我遷于南一往六年歸來執手白髮侵顛遂以息

女許君長子朋友唯舊親戚惟始又云君以罪廢還家宋都子由詩亦有一廢十五年之句東坡守徐州有和王廷老退居見寄詩則廷老放廢已久至是復起知號州耳 號州五域志陝西永興軍路號州唐弘農郡宋改號郡治號署縣東至西京一百五十里周封號仲之地漢武置函谷關謂道形如

函即孫卿子所云秦有松柏之塞是也

嶠函

元和郡縣志自東嶠至西嶠三十五里皆在秦關之東漢關之西程大昌雍錄自華至陝凡三關秦函谷

關在唐陝州靈寶縣南十里漢函谷關楊僕所改築在唐河南府新安縣東一里比秦舊關則移東三百七十八里唐之潼關在華州華陰縣東北 三

堂

太平寰宇記三堂在號州治內唐岐薛二王刺史時所建

附子由作

滿腹貯精神觸手會衆理一廢十五年直坐才多

耳我昔遊宋城憶始識君子簿書填邱山賓客亂

蜂蟻出尋城下宅屢倒牀前屣清談如鋸木落屑

蘇詩補註卷二十一
下
紛相委解頤自有樂置酒姑且止遂巡破黃封婉
婉歌皓齒風高熊正白霜落蟬初紫夜闌意未厭
河斜客忘起歸來笑童僕熟酒未曾爾江湖一流
蕩歡意日頽弛西還經舊遊相逢值新喜詔催西
州牧門有朱轡柅都城挽不住山賊近方侈提刀
索崖谷援枹動閭里居家百無與王事非由已何
日却休官復飲梁王市

道者院池上作

下馬逢佳客攜壺傍小池清風亂荷葉細雨出魚兒井
好能冰齒茶甘不上眉歸途更蕭瑟真箇解催詩

道者院

李濂汴京遺跡志道者院在鄭州門外五里高文虎蓼花洲閑錄五代時有僧卓菴道邊藝蔬一日晝寢夢一金色龍食所種蒿苳

數畦已而見一偉丈夫于所夢之處取蒿苳食之遂攝衣延坐餽食甚勤因以夢告之且曰公他日得志願為老僧于此建一寺偉丈夫即藝祖也既即位求

僧尚存遂命建寺賜名普安都人稱
為道者院周煇清波雜志所載亦同

催詩

杜甫詩片雲頭上黑應是雨催詩

附子由次韻

雨氣涼侵殿河流滲入池黃梁淪魚子白酒瀉鶯

兒風細初生袖塵清免汗眉郊行不得意拂壁看

題詩

附晁无咎次韻

雞肋集原題云和普安院壁上蘇公韻

畏暑聊尋寺追涼故繞池雨圍鳩喚婦風徑燕將

兒散篆縈簾額留雲暗并眉龍蛇動屋壁知有長